

Una Kinguani Tuhaumayakhaat Unipkaangit ilaliutauhimayut NIRB'up ihivriuqtakhait ihumaaluutigiyauhimayut nunat avatait inungnut ikayuutikhangillu atuliqtauyukhat haffumani Hanningayuk Kuugaa Kuulu Uyaraqtarvik havaariyakhaat iniqhimayakhaallu tunngavikhaat ihumagiyauyumi ihuittumik nunap avatingit inungnut ikayuutikhangillu atuliqtautukhat iluani Nunavunmi Nunatsiarmilu taimaa, Katimayiita tautuktangit, amiriyaulaittuni ingattaqhittailiyurlu, tukhiutauhimayuk Hanningayuk Kuugaa Kuulu Uyaraqtarvik Havaangit havaktaulimaittuq tadjä.

Taimaattaq, Katimayit ihumagilluaqhimayangit hamna ihuittumik atuliqtauhimayut tuktut aahiillu nunamiuttat huraat, iqalut, imarmiuttat avatingillu taimaa ihuigiyaaulaaqhunilu inungnut ikayuutikhait atuliqtauuyut ilagiyangit ukunanngat nunap avatait atuliqtauhimayut. Katimayit kingulliutiyangittauq atuliqtauhimayut tuktunut nunamiuttat huraat ilagilaaqhugu angiklilaqtut kigliinamut atuliqtauhimayut tadsa ikivallialiqitut amihuuningit. Naunaqpiaramilu haffumani atuqtaulluarnaqtuq ihuaqhilaqtumik uuktuutikhamaat tiliuriangani ingattaqhittailinahuarluni atuqtauuyumik, Katimayit naammagiyanngittangit ihuittut nunaup avatingit ilagivluniuk inungnut ikayuutikhangit atuliqtauhimayut taimaa aktuqtaulaqtut ingattaqhittailinahuarlugu inuuhiangat Havaam.

Kihiani, Katimayit ilitarihimayangit hivunngani angiklihimalaaqhutik qanuq atuliqtauhimagumik kangiqhidjutaat ingattaqhittailiningagullu Havaakhaliqtunut pukukhimalaaqtuq tuniffaarmiluniuk Hanningayuk Kuugaa Kuulu Uyaraqtarvik havaanut tukhiutigiyat ihumaliuqtakhainit. Talvangaanit, Katimayit ilaliutihimayangit, nalaumattiaqtumik, amiqhinnaqtumiklu kiuttiaqhimayangit huliyaqhainit ilittuqhiniillu turaaqtauhimayut parnautigilaaqtangit Katimayiinut ihivriurniarumik hivunngani tukhiutauniarumik.

Una Kinguani Tuhaumayangit Unipkaanga unalu iniqhimayuq titiraqhimayuq haffumani naunaipiaqhimayuuyut qimilurningit niplautigiyauyut, hivitunnatait titirariiqhimayut turaarutaat takupkaqtauhimayut uvani Kinguani Tuhaumayakhaat ihumagivlugillu Katimayit qimilurningit piyumayaukpat qaritauyakkut turaarutaanit haffumanngat Katimayita kitunuliqaak atiliurnaqtut uvani www.nirb.ca atuinnaarialik qinirumaguvit ilanganit:

- Project Name: Back River Project
- NIRB File No.: 12MN036
- Application No.: 124149

Numiktauhimayut titiqqait unipkaangit upalungaiyaqtauhimayut nivinngaqauniaqhutik qaritauyakkut turaarutaanit kitunuliqaak atiliurvikhanut piyumayaukpat.

NIRB quyaqilluaqtut kinaliqaak ilauqatauvakkamik ihiviuqhiivlutik, havakhimavlutiktauq ikayuqatigiikhutik naunaipaaqhiivlutik qimilruqhimavlutik pilirivlutik. Itqumayangit, Katimayit quyagiyait Sabina Kuulu Havigalik Kuapuriisan, aallat kavamatuqait, nunallaani, nunaqatigiiktunut kavamat kivgatiuyut, Kitikmeot Inuit Katudjiqatigiit, Inirniit, nunaqatigiit katimaqataquyauyut, ilauqatauhimayut kitunuliqaak niplautigihimayangit qauyimayamingnit ayuittunullu ikayuqhimayangit Katimayit ihumagiyangit iniqtiqhugu hivituyumik ihivriuhivlutik haffumani tukhiutauhimayut havaangit.

Titiraqtuq,



Elizabeth Copland
Atanguyaayuk Ikhivautalik
Nunavut Aviktulikiyit Katimayit

Naunaittiarumaguvit, turaarutaanit turaarvigilugu:

Ryan Barry, Atanik Aulapkaaiyuq
Nunavut Aviktulikiyit Katimayit
1-866-233-3033 uvungaluuniit rbarry@nirb.ca